

欽定大清會典事例

欽定大清會典事例卷一千一百二

國子監

官學規制

八旗官學二

琉球官學

算學

咸豐六年

諭此次國子監考試恩監生。既據聲稱算學無人應試。著即專將官學生照例錄送考試。○同治二年

諭御史劉毓楠奏滿漢各學教習傳補後。並無生徒肄業。期滿僅尋數人赴監。謂之交功課。其實並無功課可交。即可得官等語。著國子監堂官查明。認真整頓。稽覈功課之勤惰。分別勸懲。毋得有名無實。敷衍了

事。以昭覈實。○十二年議准。由廩增附報捐之貢監生。考取八旗官學教習。報滿帶領引。

見。以教諭訓導二項。請

旨錄用註冊。附於本省本年就教舉人貢生之末。揆選。○光緒八年

諭。侍郎錫珍奏請派大員整頓八旗學校一摺。著吏部會同國子監妥議具奏。欽此。遵

旨覆奏。官學積弊雖久。整頓非難。請

特派滿漢大臣數員。將原奏集款用人。修訂定章。四條。會同監臣詳細定議。請

旨施行。將來規模大備。所有官學事宜。或派員專理。或會同監臣協理。即由此次

欽派大臣保薦。疏請

簡派。又

諭吏部國子監會議整頓官學。請簡派大員詳議一摺。八旗官學廢弛已久。此次籌議整頓。事同創始。所有一切事宜。應如何設法變通妥籌辦理之處。著寶璽李鴻藻徐桐麟書會同國子監堂官體察情形。悉心酌覈。妥議具奏。欽此。遵

旨議定。八旗官學房舍酌量改移重修。一切經費由

戶部撥銀十五萬兩。經理官學。由吏部將滿漢進士出身之一二品大員。開單請

旨簡派二員。作為管理八旗官學大臣。以後如有更換。由國子監咨明辦理。並於滿漢科甲人員中。每學派一員為管學官。由此次派出之管學大臣。公同酌保。恭候

欽定。以後如有更換。仍由該大臣酌保。至八學應辦事宜。管學大臣會同管學各官。詳議章程辦理。奏撥經費。除工程用銀七萬八千八百兩外。餘銀七萬一千二百兩。留為學中製備器具之用。

由管學大臣覈實動支。常年經費以三萬二千兩為率。由戶部籌撥。○又奏准。學生月課季課。現均定有獎賞。應將原定津貼銀兩裁撤。○九年。奏定整頓官學章程。一。管學官無論滿漢已仕未仕。但取品端學優者充選。定以二年期滿更換。實在得力者。准奏請留學。升任至副都御史以上。即行開除。一。學舍每年黏修糊飾等事。由管學官經理。毋庸再由國子監咨行各旗。一。舊例各旗官學生。文職五品武職三品以上者。停其挑選。嗣後變通辦理。一律挑選。如所選學

生有力能延師者。不必在學肄業。仍分定教習。每月面試二次。月課季課。與在學諸生一同考校。但滿蒙漢統計不得過二十名。庶不致多占寒素額缺。一功課量加釐定。八旗子弟滿文日就生疏。蒙文更成孤學。由於不習漢文。不讀經書。應多撥數十名學習漢文。漢文通曉。再習清文。一各旗保送學生。每有冒名頂替之弊。嗣後各旗幼丁送監挑選。應責成佐領。出具並無頂冒甘結。由領催同幼丁父兄帶領來學。如查有情弊。將佐領奏叅。領催咨革。一每學添設翰林

官一員由翰林院掌院學士於編檢內揀派。分  
學訓課學生月課季課。每月由管學官會同翰  
林官及國子監助教定期考校。翰林官考校經  
義詩文。助教考校經書及清文蒙古文。均由管  
學官覈定優劣存記。四季由管學大臣率同管  
學官翰林官助教定期會考。優等者獎。劣等者  
罰。年終將管學官所記功課簿統計優劣。分別  
賞罰。一各學多撥學生學習漢文。漢教習四員  
不敷講授。應添設額外漢教習二員。其報滿日  
期。以補實之日起算。如補額後未滿三年已有



成效。准由初次到學之日起算。以示激勵。一教習長年住學。每月給津貼銀六兩。月費二兩。額外教習。及滿蒙教習。本有錢糧者。均減半支領。其舊例應領銀米衣表。一概停止。○前次奏准。戶部籌撥常年經費銀三萬二千兩。應分作四季支領。交管學各官。覈實動用。○又奏准。本年輪應考試恩監之期。八旗官學生及算學生。人數不敷考試。暫停一次。三年後再行舉辦。○十年奏准。遇有閏月之年。除常年經費三萬二千兩外。添撥銀二千六百六十六兩。○又奏准。管

學官每年每員給公費銀二百兩。按季支領。十一年續定章程。一八旗幼丁有情願入學。該旗抑勒不送者。准其父兄或族長帶赴本旗官學考驗存記。由管學大臣咨明本旗及國子監。俟有額缺。再咨取赴監。與本旗保送之幼丁一體挑選送學。一官學生應考中書等項。該旗咨明本學。由管學大臣面試。可以應考。方准保送。應考取中之學生。停給膏火。取中恩監生。亦准留學。惟已挑取官學生。不准兼考同文館。一年長學生回旗。年屆十五以上。資性魯鈍者。讀完

四書。咨回本旗。准其坐補養育兵。至所出官學生缺。即於各旗十三歲以下之養育兵內。選擇聰明俊秀者。與應行挑補之幼丁。一併送監挑補。一。額外教習補實。額外教習傳到之日。即准作為實缺。報滿日期。津貼月費。均照實缺教習辦理。一。嗣後教習報滿。由國子監咨查該教習功課勤惰。管學大臣按其平日課程。酌定等第。咨覆監臣覆覈出考。帶領引

見。一。教習報滿時。館中上等學生及半或過半者。出具上等八字考語。下等學生及半而無上等者。

出具下等四字考語。餘俱出中等七字考語。教習曠職。管學官隨時報明。管學大臣咨回另補。一舊例教習三年期滿。分別出身。以知縣教職請

旨錄用。現准知縣隨時呈請分發試用。教職准分別出身。遇各項雙月積至十缺之後。插選一人。如係得力人員。准再留學三年。俟二次期滿。其初次以知縣用者。准分省歸候補班補用。不願分發者。歸本班儘先選用。其以教職用者。選缺後以知縣歸教習本班先在任候選。廩增附出身

以教諭用者。選缺後以教授歸雙月五缺後。以訓導用者。選缺後以教諭歸雙月十缺後。各插選一人。一各學額設滿教習一員。勞績不減漢館。惟其出身及所兼之職。各有不同。應由吏部分別升階酌加優敘。如有文理疏淺者。咨回本旗。由管學大臣另延通曉滿文者入學教習。毋庸給予獎敘。俟滿教習得人。再令接任。○十二年奏准。在學諸生中式舉人。及年滿學生情願留學者。准其附學讀書。惟須開去底缺膏火。知照國子監及本旗。另行挑補。其非官學生出身。

入庠後情願入學者。亦准附學讀書。此項附學各生。每學不得過十名。每名不得過十年。以示限制。

琉球官學。康熙二十三年議准。琉球國陪臣子弟四人赴京受業。均令其入監讀書。○二十七年

諭琉球國送到陪臣子弟三人入監讀書。著安置得所。欽此。遵

旨議定。每人冬給緞面羊皮袍褂。紡絲襦袴。染貂帽。鹿皮鞮。氎襪。春秋給緞棉袍褂。紡絲衣袴。涼帽。馬

皮靴。緞襪。夏給紗袍褂。羅衣袴。紡絲被褥。所用紙筆墨等項。月給銀一兩五錢。從人三人。每人冬給布羊裘襦袴。貉皮帽。牛皮靴。布襪。春秋給布棉袍褂。夏給單布袍衣袴。布被褥。雨纓涼帽。並所用器皿煤炭。均交工部給發。其官生每人。口糧食物。照進貢都通事之例。從人亦照進貢從人之例。交禮部給發。由監於附近房屋撥給十餘間。為住居之所。○又議准琉球國陪臣子弟入監讀書。取貢生一人。令其教習。博士一人。專管董率。祭酒司業等不時稽察。俾講解經書。

學習道藝。三十年琉球國王題請官生歸養。部議如所請。

諭賞賜筵燕如定制。雍正二年議准琉球國陪臣子弟鄭秉哲鄭謙蔡宏訓入監讀書。照康熙二十七年例。遴選文行兼優貢生。盡心訓迪。委博士一人董率。本監堂官不時稽察。其教習生廩糧咨部考職等項。照官學教習之例。其子弟住房食用。四時衣服。亦統歸稽察。務令得所。又議准琉球官生鄭秉哲等願學制藝。派六堂助教一員董課。又奏准琉球官生蔡宏訓病故。



特賜白金三百兩。以二百兩交貢使附歸其家。以一百兩交禮部。於近京地方營葬。○六年。琉球官生鄭秉哲等呈請歸國終養。部議如所請。奉

旨。賞大綵緞各一。毛青布各四。裏紬各一。廉從二人。賞毛藍布各四。筵燕一次。准其馳驛。同貢使毛汝龍等歸國。○乾隆二十五年。琉球國陪臣子弟鄭孝德。梁允治。蔡世昌。金型入監。選取拔貢生教習。並派博士助教董率稽察如定制。○二十六年。奉旨。允琉球官生鄭孝德等。隨國子監肄業。諸生恭進皇太后七旬萬壽詩冊。並隨班迎。

駕

恩賞緞疋。○二十八年。琉球官生鄭孝德蔡世昌在學三年。琉球國王臣尚穆遣官齎表請

旨遣歸。部議如所請。

諭賞賜筵燕如定制。○又奏准。琉球官生歸國。賞給官生四名大綵緞各二。裏紬各二。毛青布各六。跟伴三名。毛青布各六。奉

特旨加賞官生內庫緞各二。裏紬各二。跟伴官緞各一。○三十七年奏准。琉球官生在監。所有朔望拜廟及上堂謁見封印開印行禮。俱與內外班肄業

生同。○嘉慶十年。琉球國陪臣子弟向尋思向世德鄭邦孝周崇鑄向善榮毛長芳蔡戴金蔡思恭入監。選取優貢生教習。並派博士助教董率稽察如定制。○十四年。琉球國王題請官生歸國。

諭賞賜筵燕如定制。○又議准。琉球官生等赴部筵燕。祇領。

恩賞。先期送至貢使館舍安置。與貢使同日起程。○十六年。琉球國陪臣子弟陳善繼馬執宏毛世輝梁元樞入監。選取副貢生教習。並派博士助教。

董率稽察如定制。○十九年覆准。琉球官生到監三年期滿。其未歸國以前銀米食物照舊支領。○二十年琉球國王題請官生歸國。部議如所請。

諭賞賜筵燕如定制。○道光二十一年琉球國陪臣子弟阮宣詔向克秀鄭學楷東國興入監。選取貢生教習。並派博士助教董率稽察如定制。○二十五年琉球國王題請官生歸國。部議如所請。諭賞賜筵燕如定制。○同治八年琉球國陪臣子弟葛兆慶林世忠林世功入監。選取拔貢生教習。並

派博士助教稽察如定制。十一年奏准琉球官生葛兆慶林世忠病故。

恩賞銀兩。照雍正二年成案辦理。十二年琉球國王題請官生歸國。部議如所請。

諭賞賜筵燕如定制。

算學。雍正十二年奏准。康熙五十二年設算學館於

暢春園之蒙養齋。

簡大臣官員精於數學者司其事。

特命皇子親王董之。選八旗世家子弟學習算法。又

簡滿漢大臣翰林官纂修數理精蘊及律呂正義諸書。  
至雍正元年告成。

御製序文鐫板頒行。自明季司天失職。過差罕稽。至此而推步測驗。罔不協應。際此理數大備之時。正當淵源傳授。垂諸億萬斯年。應於八旗官學增設算學教習十六人。教授官學生算法。每旗官學。擇資質明敏者三十餘人。定以未時起申時止。學習算法。○乾隆三年奏准。設立官學教養八旗子弟。專以讀書繙譯為業。以備將來錄用。至算法一藝。理數精微。非童稚所能驟通。況以

一時之暫。教授三十餘人。勢難徧及。按算法乃欽天監專司。其如何教習錄取之處。應令酌量辦理。其官學生習算法。概行停止。○又奏准。算學生每月膏火。照官學生例。在本旗咨領。至漢算學生旅食京寓。非漢軍在京有家產者可比。嗣後較漢軍官學生加銀五錢。由監於戶部領給。○又奏准。算學設漢教習二人。即於奏停八旗官學內教習算學之人充補。月廩等項。照八旗官學漢教習例。五年期滿。果能盡心訓課。著有成效者。該管大臣奏交吏部議敘。舉人筆帖

式充補者。交與欽天監以靈臺郎補用。貢監生員充補者。以挈壺正補用。官學生算學生充補者。以博士補用。將來教習員缺。於奏停教習拔補完日。令該管大員會同欽天監於學內教習有成之人考選充補。○又奏准於欽天監附近地方。專立算學一所。額設學生滿洲漢人各十人。蒙古漢軍各六人。滿洲蒙古漢軍。即於八旗官學內。擇其從前曾學算法資性相近願學者。不拘旗分選取。漢人無論舉貢生童或世業子弟。取同鄉京官印結。具呈國子監會同管理



算學大臣考試。秉公錄取。○又奏准。算法中綫面體三部。各限一年通曉。七政共限二年。每季小試。歲終大試。由算學會同欽天監考試。勤敏者獎勵。怠惰者黜退。別補。○又議准。欽天監天文生。向於本旗考取生監補用。今應將五年期滿算學生學有成效者。由該管大員會同欽天監秉公考取。擬定名次。咨吏部註冊。俟各本旗天文生員缺。挨補。至考取生監。停其補用。再天文生每旗滿洲二人。漢軍一人。並無蒙古。今算學生既有蒙古六人。為數無多。應與滿洲算學

生一同考送吏部。按定名次歸各該旗補用。漢算學生五年期滿一同考取。舉人引

見以博士用。貢監生童以天文生補用。○四年奏准算學隸國子監管轄。應稱國子監算學。所有考校一應文移案卷即用監印鈐蓋。○又奏准算學教習之飯食衣服由監行文支給。○又議准額設漢算學生十二名。舉貢生童情願應試者取具同鄉京官印結到監報名。國子監會同管理算學大員公同考取充補。○六年議准滿洲蒙古漢軍算學生向例與官學生一同考試監

生。惟有童生考取漢算學生者。不得與考。嗣後漢算學生有通習經史者。照官學生例。俟考試監生。咨送國子監一例考驗。果文理明通。授為監生。准應鄉試。○十年奏准。欽天監肄業生二十四人。撥歸算學肄業。毋庸別給膏火。僅教習不數。即選學業有成之算學生。協同分教。已補者。即食本俸。未補者。仍食學生膏火。一應教習應試考取天文生。均照算學生例。○十二年奏准。算學額設教習二人。協同分教三人。嗣後教習未滿五年。分教未經實授。遇有升任。如實心

訓課勤慎稱職之人。均仍留教習。俟滿五年。奏明交部議敘。○二十五年議准。考試庫使。將滿洲官學生合例應考者。造冊送吏部考試。算學生照官學之例一體送考。

各項事宜

咨取祭器 助教學正學錄 補缺 休滿截取 貢監加照 充補

書役

咨取祭器。○凡遇有從祀

文廟兩廡之先賢先儒。應添設牌位一。龕幔一。龕墊一。案一。案衣一。鐵香鑪竹阡一。簋一。簋一。竹籩四。豆四。爵一。爵墊一。均准禮部知照後行文太

常寺咨取。○光緒十一年咨准。

崇聖祠先賢孟皮案前添設柱香一炷。帛一端。盒一。帛匣一。爵三。墊一。

助教學正學錄補缺。○原定應補助教人文到部。先儘引。

見之員補授。如無應補之人。由學正學錄內揀選擬定正陪。咨部查覈。如無不合例事故。准其保題。○又定助教一項。應將學正學錄升用一次。再將分部學習期滿進士奏明以助教改補之員。補用一次。○又定助教一項。俟學正學錄升用

二次後用捐納一人。輪用捐納時。定為一咨一留。一缺送部揀補。一缺由本監將期滿奏留在先人員扣留補用。○又定學正學錄試俸年限。照內閣中書之例。考取者試俸一年。捐納者試俸三年。未捐免者准其捐免。○咸豐二年奏准學正學錄考取人員。照考取中書先行到署行走。亦准其呈請分發。其學習期滿日期。無論考取捐納。與報捐分發之助教。一律扣滿三年。方准奏留。其補用班次。比照內閣中書雙單月統計。一咨一留。其應留之缺。由本監將考取捐納。

分為二班輪流咨補。○光緒七年奏准。漢助教缺出。如無應補及新進士分部期滿。奏明以助教改補人員。投供驗到。暨現任學正學錄亦無合例題升之員。即比照外省正從對品借補之例。以候補監丞借補。即積助教留補之缺。仍照原銜食俸升轉。

俸滿截取。○咸豐四年奏准。助教學正學錄各項俸滿截取。如有初任人員。於到任後將歷俸捐免者。扣除半年。再由吏部行文本監。分別保送。

貢監加照。○道光十一年奏准。由監生報捐貢生。貢監生加捐職銜者。俱令該生赴監呈驗。監照本監加用戳記。再行赴庫上兌。其二照不全。暨有監照而無戳記者。不准加捐。○又奏准。捐貢監者。按卯上兌。本監定於逢一二等日。作為收驗監照卯期。三四等日造冊鈐印。逢五日咨送戶部。於逢六逢十上兌之期。不致遲誤。○咸豐四年奏准。如有書吏私刻國子監辦照處驗訖字樣戳記。為需索考試士子使費地步者。立即送部究辦。○又奏准。軍營需餉孔殷。前經戶



部議准。飭發各直省空白貢監執照。業經陸續封發。惟各該省報捐貢監各生。並未將年貌三代籍貫履歷。造冊送監。轉瞬即屆鄉試。本監並無底冊可稽。難期覈實。應飭各直省暨各路軍營糧臺。趕緊詳細造冊咨送。以備考覈。○又奏准。銅局捐納貢監。先給部照。由監覈對籍貫履歷。填寫監照。隨時給發。立冊存案。以便稽查。○五年咨准。各省空白監照。由監徑行封發。○七年奏准。監生一項。歸於倉場衙門捐米局報捐。豫頒空白部監各照。隨時給發。○又奏准。米局

近在京城與銅局無異。仍照舊章覈對部照填寫監照立冊存案。隨到隨發。於考試實有裨益。○同治元年奏准軍營籌餉多憑勸捐。捐項之中。惟貢監居多。頒發各處空白監照。應用紙張工價銀兩。向由戶部支領。自咸豐五年。因無款可籌。迄今並未發給。所有一切應用之款。均賴各省所解照費銀兩。以資備辦。近來請照者愈多。而報解照費者甚少。以致辦公竭蹶。應飭各省將歷年積欠。並現在應行解交照費。趕緊批解。庶頒發執照。不致稽遲。於捐輸可期踴躍。○

又奏准。各省空白監照。向依部照數目。按號辦齊。咨部配妥。封發驛遞。自咸豐五年改為由監徑行封發。以致頒遞日期。互有先後。嗣後遇有各路軍營請領執照者。仍照舊章。於辦妥後。咨交戶部一併封發。以免參差。○八年奏准。定例加給監照一張。收照費銀二錢。自咸豐初年捐例開後。減為一錢五分。嗣因辦公不敷。奏復舊制。自光緒五年停止捐輸。常捐貢監無多。至本年鄉試屆期。報捐者始為踴躍。惟聞銀號商人每加照一張。收銀二兩二錢。自應明定章程。以

杜中飽。查戶部常捐正項銀百兩。隨交飯食銀三兩。現在捐監銀數在百兩以外。嗣後仿照部章。酌減一半。定為每加照一張。收飯銀一兩五錢。照費銀二錢。通共不得過一兩七錢。以示限制。而資補苴。

充補書役。○嘉慶二十五年奏准。本監書吏共九名。除晚間直宿照管稿件。餘皆公務畢後散居署外。阜役等共四十七名。除派撥八旗官學外。餘皆分派。

文廟

崇聖祠

辟雍殿及署中辦公處差遣該役等向多居住署旁空房。相沿已久。惟衙署理宜整肅。現飭令該管廳官。將在署居住之吏役。查明姓名年貌。及親丁名口。登記冊檔。按卯查點。遇有增減名口。隨時更正。並飭禁該役親戚人等。不准在署住宿。至婚葬等事。令其另覓房間辦理。不得出入署門。並每月添派廳員一人。實力稽查。以昭體制。○道光十六年奏准。嗣後引充各新役時。俱責令現充之人役等。出具該役從前並無為匪

不法及冒名復充各甘結。方准引充。仍責令該管官隨時稽查。並設立年貌簿冊。按名點卯。庶昭覈實。○同治六年咨准。新充書吏。一經咨部。即須行文取結。其籍隸軍務省分。地方官無從查取甘結者。即取具同鄉京官印結。赴部呈明。以便覈准著役。並以本部文到之日。作為該吏著役日期。報部註冊。儻限內延不呈明。希圖戀役。即將該吏斥革。

[illegible]

欽定大清會典事例卷一千一百三

欽天監

建置 設官 官生升補 廩給

設官。○順治元年。設欽天監。分時憲。天文。漏刻。回回四科。設監正。監副。五官正。靈臺郎。保章正。挈壺正。司書。監候司。晨博士。主簿等官。○十四年。議准。回回科推算虛妄。革去不用。止存三科。○康熙八年。以西洋人充漢監正。○十四年。裁保章正。○雍正三年。以西洋人實授監正。○道光六年。奏。監正。監副各缺。西洋現無在京當差。



之人請

敕下吏部查明舊例議奏。遵

旨議定。嗣後仍設滿漢監正各一員。滿漢監副各二員。遇有滿漢監正缺出。專以左右監副引

見升補。毋庸分別正陪。如遇左監副無人。或右監副無人。再將應升監副人員揀選擬陪。請

旨補授。其滿漢左監副缺出。由右監副轉。右監副缺出。各將應升人員。照舊例擬定正陪。引

見補授。

官生升補。○順治初。設漢天文生六十六名。○

康熙五年題准。添設漢天文生九十四名。○七年

諭。天象關係重大。必得精通熟習之人。乃可占驗無誤。著直隸各省督撫。曉諭所屬地方。有精明天文之人。即行起送來京考試。於欽天監衙門用。與各部院衙門一例升轉。○九年題准。每旗選取滿洲官學生六名。漢軍官學生四名。劄監分科教習。有精通者。以博士用。○又奏准。天文生。滿洲。漢軍。由監行文國子監。取官學生選補。漢人由監自行選補。○又奉

旨。天文生給予從九品頂戴。照例補用。○十四年題准。每旗裁滿洲天文生四名。漢軍天文生三名。止留每旗滿洲天文生二名。漢軍天文生一名。又裁漢天文生八十名。○五十八年議准。進士舉人貢監生員內。有通曉天文算法者。具呈禮部會監考試。果優者。進士舉人以博士用。貢監生員以天文生用。○雍正元年議准。內閣九卿詹事翰林。將平素所知精通相度人員。各行保舉。○二年奏准。候補天文生。及補用天文生之監生生員。由監送順天府。入皿字號鄉試。○三年

奏准。欽天監官生。係舉人一體會試。係監生生員一體鄉試。○五年奏准。八旗天文生有缺。由吏部考補。○十二年定。欽天監由監咨部題補者。監正監副隨吏部引。

見○乾隆二年

諭。在璣衡以齊七政。視雲物以驗歲功。所以審休咎。備修省。先王深致謹焉。今欽天監厯象考成一書。於節氣時刻。固已推算精明。分釐不爽。而星官之術。占驗之方。則闕焉未講。但天文家言。或有疏密。非精習不能無差。海內有精曉天文。明於星象者。直省督撫。確

訪試驗。術果精通者。著咨送來京。該部奏聞請旨。○  
三年覆准。國子監專立算學。以滿洲十有二人。  
蒙古六人。漢軍六人。漢十有二人肄業。學有成  
效。該管大員。會監考定名次。滿洲蒙古漢軍。咨  
送吏部註冊。蒙古借補滿洲天文生。漢軍專補  
漢軍天文生。俟本旗有缺。挨名補用。漢算學生  
移監照例補用。其學內需用書籍器物。各於所  
司咨取。○四年覆准。每世業子弟五人。由監選  
三科官人品老成精通術業者一人為教習。督  
率課程。每年季考。亦令考試分別等第。三年內

學有成效。令該教習出具結狀。方得補用。如世業子弟。倚恃父兄在監。名為學習。而術業生疏者。即行黜退。○又覆准。國子監算學助教教習。五年期滿。請

旨。交部議敘。助教照例。升用五官正。教習舉人筆帖式充補者。以靈臺郎用。貢監生員充補者。以挈壺正用。官學生算學生充補者。以博士用。均與本監官員間補。○十年覆准。蒙古天文生升用。亦照分用滿洲天文生之例。每四人升用一人。升至靈臺郎。遇有蒙古五官正員缺。歸於內閣。

中書各部院筆帖式內。一例考取。○又覆准。期滿之算學生。有舉人出身者。以博士補用。○又覆准。天文生中式文舉人者。毋庸離任。滿洲蒙古。照例考試。漢軍漢人。照例揀選。遇應用知縣之年。歸班選用。○又奏准。欽天監官生。三年考覈一次。術業精通者。保題升用。不及者。停其升轉。再加學習。如能黽勉供職。即予開復。仍不及者。降職一等。再令學習三年。能習熟者。方予開復。仍不能者。黜退。○又奏准。以肄業生取三十人留監。分給漏刻科六人。在監學習。與漏刻科

世業子弟。一同考校補用。其二十四人附算學肄業。考定名次。與時憲天文兩科世業子弟。一同考校補用。○十七年奏准。博士天文生。有限於材質。止堪供職。天文生。不勝博士之任者。將博士降補天文生。其天文生。不准升補博士。仍令在天文生供職。以觀後效。○五十三年

諭。欽天監衙門。應行引見人員。向隨吏部帶領。嗣後亦著該堂官自行帶領。並一體先期向吏部查覈。如此既可以杜絕弊端。而該衙門堂官。隨時接見。亦可以觀其材器。量加鑒別。以便任使。○嘉慶二年覆准。滿



洲蒙古天文生十六缺。以八缺作為滿洲額缺。以四缺作為滿洲左翼二缺。右翼二缺。餘四缺作為蒙古左翼二缺。右翼二缺。○又覆准。蒙古博士二缺。以一缺歸於蒙古筆帖式內題補。一缺歸於額設蒙古天文生四員內較俸升用。○道光元年奏准。滿洲算學生中式文舉人。照乾隆十年奏定之案。舉人算學生以博士補用。嗣後遇有博士缺出。由欽天監酌量與應升人員揀選升用。○三年議定。算學生中式繙譯舉人。照筆帖式中式之例。食七品俸。在任候升。不得

遽以博士補用。○同治十一年奏定。候補筆帖式。借補天文生。歷升靈臺郎。其並未入考。素不諳天文數理者。暫停升轉。俟學習三年。與算學生一體考試。擬定名次。咨部註冊後。照常升用。廩給。○原定官生俸廩。博士等官。由舉人補用者。食七品俸。由貢監生員補用者。食八品俸。漢天文生。每人月支銀一兩米七斗。陰陽生。月支銀一兩米三斗。均行文戶部支領。滿洲蒙古漢軍官生。俸廩。由旗支領。漢人俸廩。及滿漢官生公費。皆由監支領。三科天文生。每二年各給布

面羊裘一件。貉皮帽一頂。狐皮領一條。委直譙樓之博士等官。初任時。各給貂皮端罩一件。行文工部支領。○康熙九年題准。滿洲天文生。照未入流筆帖式。給予餼廩。○二十一年奏准。天文生陰陽生。每月加給公費銀一兩五錢。○三十三年奏准。天文生陰陽生餼廩。每月增給五錢。每人月支銀一兩五錢。○雍正八年定。天文生以生員補用者。照八品筆帖式食俸。○乾隆元年奏准。未入流滿洲天文生。照未入流筆帖式給予九品俸。○二年議准。漢天文生。照滿洲

漢軍天文生之數。考選二十四人。給予九品俸。其餘仍給餼廩。

職掌 分職 推算測驗

分職。○時憲科。滿洲蒙古五官正。職司清文蒙古文時憲書。漢五官正。推算日月交食。七政相距衝退留伏。交宮同度等事。漢軍秋官正。推驗日月五星相距等事。五官司書。校刊時憲書。以頒四方。天文科。每日以滿洲漢官一人。率天文生十五人。登觀象臺。考儀器以驗天象。每時以四人分觀四方。晝夜輪直。漏刻科。司調壺漏。測

中星。諏時日。卜營建等事。○順治元年定。欽天監遇有具題行文等事。俱屬禮部。○十五年定。與禮部分析職掌。○康熙二年。仍歸禮部。○十年題准。分析職掌。除立春日春牛芒神。仍由禮部進呈外。其餘一應職掌。俱歸監掌行。

推算測驗。○原定。日出入晝夜節氣時刻。及日月交食五星相距。俱按法推算。臨時測驗。每年正旦寅時。候風起何方。按占具題。八節風占。俱豫行推測。繪圖進呈。雷初發聲。候雷起何方。按占具題。凡天象或有變異應奏者。按占具題。立

春前十日。題派監官二員。往順天府候氣。每歲  
清明。按時記註。繕寫清明風雨錄。清漢字各一  
本。於次年二月初一日進呈。用黃綾面套。凡遇  
冊封外國。遣官隨往測驗。觀象臺晝夜觀候。記註冊  
籍。開報封呈。所用時辰香。於光祿寺支領。紙燭  
於戶部支領。冬月木炭。三年一次換造香匣。於  
工部支領。○順治元年。用西洋新法二百年恆  
年表。以

太宗文皇帝天聰二年戊辰為元。自天正冬至次日子  
正初刻起算。○康熙三年。復用舊法。又因舊法

不密。用回回法。○七年。

命大臣傳集西洋人與監官質辯。復令禮部堂官與西洋人至。

午門測驗正午日影。○八年。

特遣大臣二十員赴觀象臺測驗。令西洋人治理時憲

書法。○又奏製新儀奉

旨。舊有儀器。

觀象臺舊設渾簡儀。明正統年製。

仍著收存。毋令損壞。○

又題准。停止立春派官往順天府候氣之例。○

十二年。新製儀器告成。一為天體儀。一為黃道經緯儀。一為赤道經緯儀。一為地平經儀。一為

地平緯儀。一為紀限儀。安設觀象臺上。舊儀移置臺下別室。○十三年。編著新儀製法用法圖說。並恆星經緯度表十六卷。名曰新製靈臺儀象志。○十九年。停止八節風占。豫行推測繪圖進呈之例。仍候風按占具題。○二十二年。測驗盛京北極高度。推算日月交食表告成。○五十二年。覆准科爾沁等蒙古部落日出入節氣時刻。自三十二年載入時憲書。俱照舊地圖推算。今新地圖。乃用

御製新儀所測。各省及各口外經緯度數。絲毫不爽。迥



非舊圖可比。嗣後皆照新圖推算。又蒙古部落游牧無常處。其地之經緯度數。以有城池房屋之處為定。○是年。欽遵。

御製新儀。測定各省各口外經緯度數。各省北極高度。京師三十九度五十五分。

盛京四十一度五十一分。山西三十七度五十四分。朝鮮三十七度三十九分。山東三十六度四十五分。河南三十四度五十二分。陝西三十四度十六分。江南三十二度四分。四川三十度四十一分。湖廣三十度三十五分。浙江三十度十

八分。江西二十八度三十七分。貴州二十六度三十分。福建二十六度二分。廣西二十五度十三分。雲南二十五度六分。廣東二十三度十分。各蒙古部落北極高度。布龍堪。布爾噶蘇臺。四十九度二十八分。額格色楞額。四十九度二十七分。桑錦達賚。四十九度十二分。肯特。四十八度三十三分。克魯倫巴爾城。四十八度六分。圖拉河汗山。四十七度五十七分。喀爾喀克勒和碩。四十七度三十五分。杜爾伯特。四十七度十五分。鄂爾坤。額爾德尼昭。四十六度五十八分。

崆格。札布堪。四十六度四十二分。札賚特。四十  
六度三十分。推河。四十六度二十九分。科爾沁  
四十六度十七分。郭爾羅斯。四十五度三十分。  
阿魯科爾沁。四十五度三十分。翁吉。四十五度  
三十分。薩克薩克。圖古哩克。四十五度二十四  
分。烏珠穆沁。四十四度四十五分。浩齊特。四十  
四度六分。固爾班賽堪。四十三度四十八分。巴  
林。四十三度三十六分。札魯特。四十三度三十  
分。阿巴哈納爾。阿巴噶。四十三度二十三分。奈  
曼。四十三度十五分。克什克騰。四十三度。蘇尼

特四十三度。哈密四十二度五十三分。翁牛特  
四十二度三十分。教漢四十二度十五分。喀爾  
喀四十一度四十四分。四子部落四十一度四  
十一分。喀喇沁四十一度三十分。茂明安四十  
一度十五分。烏喇特四十度五十二分。歸化城  
四十度四十九分。土默特四十度四十九分。鄂  
爾多斯三十九度三十分。阿拉善三十八度三  
十分。直省東西偏度。朝鮮偏東十度三十分。

盛京偏東七度十五分。浙江偏東三度四十一分。  
福建偏東二度五十九分。江南偏東二度十八

分。山東偏東二度十五分。江西偏西三十七分。  
河南偏西一度五十六分。湖廣偏西二度十七  
分。廣東偏西三度三十三分。山西偏西三度五  
十八分。廣西偏西六度十五分。陝西偏西七度  
三十四分。貴州偏西九度五十三分。四川偏西  
十二度十六分。雲南偏西十三度三十七分。各  
蒙古部落東西偏度。郭爾羅斯偏東八度十分。  
札賚特偏東七度四十五分。杜爾伯特偏東六  
度十分。札魯特偏東五度。柰曼偏東五度。教漢  
偏東四度。科爾沁偏東四度三十分。阿魯科爾

沁偏東三度五十分。喀爾喀克勒和碩偏東二  
度四十六分。巴林偏東二度十四分。喀喇沁偏  
東二度。翁牛特偏東二度。烏珠穆沁偏東一度  
十分。克什克騰偏東一度十分。浩齊特偏東三  
十分。阿巴哈納爾。阿巴噶偏東二十八分。蘇尼  
特偏西一度二十八分。克魯倫巴爾城偏西二  
度五十二分。四子部落偏西四度二十二分。歸  
化城偏西四度四十八分。土默特偏西四度四  
十八分。喀爾喀偏西五度五十五分。茂明安偏  
西六度九分。烏喇特偏西六度三十分。肯特偏

西七度三分。鄂爾多斯偏西八度。圖拉河汗山  
偏西九度十二分。翁吉偏西十一度。固爾班賽  
堪偏西十一度。布隴堪布爾噶蘇臺偏西十一  
度二十二分。阿拉善偏西十二度。額格色楞額  
偏西十二度二十五分。鄂爾坤額爾德尼昭偏  
西十三度五分。推河偏西十五度十五分。桑錦  
達查偏西十六度二十分。薩克薩克圖古哩克  
偏西十九度三十分。崆格札布堪偏西二十度  
十二分。哈密偏西二十二度三十二分。○五十  
三年奉

旨。北極高度。黃赤距度。於歷法最為緊要。著於澹寧居  
後每日測量。欽此。遵製中表正表倒表各二具。均高  
四尺。象限儀二具。均半徑五尺。晝測日影。夜測  
勾陳帝星。測得

暢春園北極高三十九度五十九分三十秒。比觀  
象臺高四分三十秒。黃赤大距二十三度二十  
九分三十秒。比舊少一分三十秒。○又奏准。河  
南江南浙江陝西廣東四川雲南七省。各差學  
習算法一人。及部院衙門官各一人。前往測量  
星日。以備修正算書之用。○五十四年。



御製地平經緯儀一座。安設觀象臺上。○雍正三年二月二日庚午。日月合璧。五星連珠。奉

旨。據欽天監奏稱。日月合璧以同明。五星連珠而共貫。宿躔營室之次。位當娵訾之宮。為從來未有之瑞應。請敕付史館等語。朕惟日月五星運行於天。本有常度。是以從古歷元。可坐算而得。然古稱高陽時。五星會於營室。漢帝時。五星聚於東井。宋祖時。五星聚於奎。史書皆紀以為祥。蓋七政會合。數雖一定。而遭逢其時者。實海宇昇平。民安物阜之會也。若以為德化所致。朕方臨御二載。有何功德。遽能致此嘉祥。皆由

我

皇考六十餘年聖德神功。蟠天際地。為千古不世出之君。為

上天第一篤愛之子。所以純禧駢集。歷數綿長。錫祚垂光。至於今日。睹此難逢之嘉瑞。朕嗣統以來。兢兢業業。率由舊章。惟以

皇考之心為心。以

皇考之政為政。宅衷圖事。罔敢稍越尺寸。故邀

上天垂鑒。仍如

皇考之御宇。綏猷而錫以無疆之福也。朕幸逢嘉會。不

但不敢自居。亦且不敢自謙。總由

上天申眷

皇考。朕與天下臣民。同在福祐之中。當與天下臣民共慶之。所奏著付史館。並頒示中外。○是年。

聖祖仁皇帝御製律歷淵源百卷。刊刻告成。內歷象考成四十二卷。律呂正義五卷。數理精蘊五十三卷。

世宗憲皇帝御製序文。頒行天下。令監官欽遵。考成推算。以康熙二十三年甲子為元。○七年。增修考成。後編十卷。告成。推日躔月離交食。用橢圓法。

以雍正元年癸卯為元。○十年奏准。

御製律厯淵源書板。交監收存。願刷印者聽。並頒行各直省。聽其翻刻。以廣流傳。○乾隆九年。

駕幸觀象臺。

特允壯親王等所請。規仿璣衡。製造大儀。名曰

御製璣衡撫辰儀。安設臺上。

命於紫微殿前增築月臺。將前明舊儀。安設月臺。○十八年議准。二十八宿。古法背前參後。西法參前背後。今以參宿中三星之東一星作距星。依黃道度測算。應背前參後與古合。○十九年。

御製儀說二卷。新測恆星經緯度表三十二卷。名曰

御製儀象考成。○二十年奏准。測量東三省北極高度。

尼布楚城。五十一度四十八分。黑龍江。五十度

一分。三姓。四十七度二十分。伯都訥。四十五度

十五分。吉林。四十三度四十七分。各蒙古部落

北極高度。哈薩克。四十七度三十分。塔爾巴哈

台。四十七度。齋爾。四十五度三十分。哈布塔克

四十五度。博羅塔拉。四十四度五十分。拜達克

四十四度四十三分。安濟海。四十四度十三分。

哈什。四十四度八分。伊犁。四十三度五十六分。

穆壘四十三度四十五分。濟木薩四十三度四十分。巴里坤四十三度三十九分。崆吉斯四十三度三十三分。烏魯木齊四十三度二十七分。珠勒都斯四十三度十七分。吐魯番四十三度四分。魯克沁四十二度四十八分。烏沙克塔勒四十二度十六分。喀喇沙爾四十二度七分。庫爾勒四十一度四十六分。東三省東西偏度。三姓偏東十三度二十分。黑龍江偏東十度五十八分。吉林偏東十度二十七分。伯都訥偏東八度三十七分。尼布楚城偏西十七分。各蒙古部

落東西偏度。巴里坤偏西二十三度。哈布塔克  
偏西二十四度二十六分。拜達克偏西二十五  
度。穆壘偏西二十五度三十六分。魯克沁偏西  
二十六度十一分。吐魯番偏西二十六度四十  
五分。濟木薩偏西二十六度五十二分。烏魯木  
齊偏西二十七度五十六分。烏沙克塔勒偏西  
二十八度二十六分。哈喇沙爾偏西二十九度  
十七分。庫爾勒偏西二十九度五十六分。塔爾  
巴哈台偏西三十度。珠勒都斯偏西三十度五  
十分。安濟海偏西三十度五十四分。齋爾偏西

三十一度。喀吉斯偏西三十二度。喀什偏西三十三度。博羅塔拉偏西三十三度三十分。伊犁偏西三十四度二十分。哈薩克偏西三十四度五十分。○二十五年奏准。回部等處北極高度。布古爾四十一度四十四分。庫車四十一度三十七分。克里雅三十七度。賽哩木四十一度四十一分。玉隴喀什三十六度五十二分。和闐伊里齊三十七度。哈喇喀什三十七度十分。阿克蘇四十一度九分。三珠三十六度五十八分。烏什四十一度六分。巴爾楚克三十九度十五分。



葉爾羌三十八度十九分。英吉沙爾三十八度四十七分。色呼庫勒三十七度四十八分。喀什噶爾三十九度二十五分。喀楚特三十七度十一分。鄂什四十度十九分。博羅爾三十七度巴達克山三十六度二十三分。安集延四十一度二十八分。什克南三十六度四十七分。幹罕三十八度。鄂羅善三十六度四十九分。納木干四十一度三十八分。霍罕四十一度二十三分。塔什干四十三度三分。回部等處偏西度。布古爾偏西三十二度七分。庫車偏西三十三度三十

二分。克里雅偏西三十三度三十三分。賽哩木  
偏西三十四度四十分。玉隴哈什偏西三十五  
度三十七分。和闐伊里齊偏西三十五度五十  
二分。哈喇哈什偏西三十六度十四分。阿克蘇  
偏西三十七度十五分。三珠偏西三十七度四  
十七分。烏什偏西三十八度二十七分。巴爾楚  
克偏西三十九度三十五分。葉爾羌偏西四十  
度十分。英吉沙爾偏西四十一度五十分。色呼  
庫勒偏西四十二度二十四分。喀什噶爾偏西  
四十二度二十五分。喀楚特偏西四十二度三

十二分。鄂什偏西四十二度五十分。博羅爾偏西四十三度三十八分。巴達克山偏西四十三度五十分。安集延偏西四十四度三十五分。什克南偏西四十四度四十六分。幹罕偏西四十五度九分。鄂囉善偏西四十五度二十六分。納木干偏西四十五度四十分。霍罕偏西四十五度五十六分。塔什干偏西四十七度四十三分。○二十八年奏准。照二十七年辦理地圖。改山東省偏度為偏東初度四十分。○三十七年奏准。土爾扈特和碩特等處北極高度。烏里雅蘇

台。四十七度四十八分。扎哈沁。四十六度三十分。唐努山。烏梁海。五十度四十分。烏蘭固木杜爾伯特。四十九度二十分。科布多城。四十八度二分。布勒罕河土爾扈特。四十七度。阿爾泰山。烏梁海。四十八度三十分。阿爾泰諾爾。烏梁海。五十三度三十分。哈屯河。五十一度十分。烏隴古河。四十六度四十分。赫色勒巴斯諾爾。四十六度四十分。和碩特。四十三度。霍博克薩哩土爾扈特。四十六度四十分。庫爾喀喇烏蘇土爾扈特。四十四度三十分。額爾齊斯河。四十八度

三十五分。齊桑諾爾四十八度三十五分。齊爾  
土爾扈特四十六度十分。晶河土爾扈特四十  
四度三十五分。阿勒輝山四十八度二十分。巴  
爾噶什諾爾四十七度。特穆爾圖諾爾四十二  
度五十分。吹河四十四度五十分。塔拉斯河四  
十三度五十分。那林山四十三度。土爾扈特和  
碩特等處偏西度。烏里雅蘇台偏西二十二度  
四十分。札哈沁偏西二十三度十分。唐努山烏  
梁海偏西二十四度二十分。烏蘭固木杜爾伯  
特偏西二十五度四十分。科布多城偏西二十

七度二十分。布勒罕河土爾扈特偏西二十八度十分。阿爾泰山烏梁海偏西二十八度三十五分。阿爾泰諾爾烏梁海偏西二十八度四十分。哈屯河偏西二十九度。烏龍古河偏西二十九度十五分。赫色勒巴斯諾爾偏西二十九度十五分。和碩特偏西三十一度。霍博克薩哩土爾扈特偏西三十一度十五分。庫爾喀喇烏蘇土爾扈特偏西三十一度五十六分。額爾齊斯河偏西三十二度二十五分。齊桑諾爾偏西三十二度二十五分。齊爾土爾扈特偏西三十三

度。晶河土爾扈特偏西三十三度三十分。阿勒  
輝山偏西三十六度五十分。巴爾噶什諾爾偏  
西三十八度十分。特穆爾圖諾爾偏西三十九  
度二十分。吹河偏西四十二度。塔拉斯河偏西  
四十四度。那林山偏西四十五度。○四十年奏  
准。安徽。湖南。甘肅三省北極高度。安徽三十度  
三十七分。湖南二十八度十三分。甘肅三十六  
度八分。安徽等三省東西偏度。安徽偏東三十  
四分。湖南偏西三度四十二分。甘肅偏西十二  
度三十六分。○四十二年奏准。兩金川及各土

司北極高度。瓦寺三十一度十七分。木坪三十  
度二十五分。鄂克什三十度五十六分。三雜谷  
三十二度一分。小金川美諾三十一度。布拉克  
底三十一度四分。金川噶拉依三十一度十九  
分。黨壩三十一度五十六分。金川勒烏圍三十  
一度三十四分。巴旺三十度五十八分。綽斯甲  
布三十一度五十三分。明正三十度二十八分。  
革布什咱三十一度八分。兩金川及各土司偏  
西度。瓦寺偏西十二度五十八分。木坪偏西十  
三度三十七分。鄂克什偏西十三度五十一分。



三雜谷。偏西十三度五十六分。小金川美諾。偏西十四度七分。布拉克底。偏西十四度二十二分。金川噶拉依。偏西十四度二十九分。黨壩。偏西十四度二十九分。金川勒烏圍。偏西十四度三十四分。巴旺。偏西十四度三十四分。綽斯甲布。偏西十四度四十四分。明正。偏西十四度四十九分。革布什咱。偏西十四度五十一分。○五十年。奉

旨。交查新製靈臺儀象志。由監將原書十六卷進呈。○又奉

旨。新製靈臺儀象志二本。交欽天監衙門存貯。○又英吉利國進象限儀一座。安設於觀象臺下之紫微殿內。○五十四年奏准。安南國北極高二十二度十八分。偏西十度。○嘉慶四年

諭。朕勤求治理。宵旰兢乾。惟以時和年豐為上瑞。從不敢鋪陳符應。粉飾太平。蓋以人君侈語嘉祥。易啟滿盈之漸。不諱災異。始知修省之方。古所稱麟鳳來游。或亦出於附會。未可盡信。而

上蒼垂戒。象緯昭然。實為天人感應之機。可不時深敬懍。即如去年十二月二十八九日。夜間衆星交流如

織人所共睹。朕非不知。而欽天監並未奏聞。在監臣之意。因

皇考高年。

聖躬不豫。未敢遽行入告。固屬臣下愛敬之心。然

天象示儆。朕躬當修德以弭災眚。豈可隱而不言。向來  
靈臺占驗。惟事吉祥。如每歲分至占風。不論是日風  
自何方。竟豫擇應候協方者。取為佳兆。相沿已久。固  
屬可笑。至於此等星象有異。亦復意存諱匿。不以實  
聞。則司天者甯非棄厥司乎。嗣後欽天監占星觀象。  
惟當據實直陳。用副朕寅畏。

昊天以實不以文至意。十四年

諭。向來欽天監奏觀候本章。凡遇節氣。就風色方嚮所  
宜。鋪陳吉語。皆係先期豫備。朕所素知。即如本日交  
立夏節。在辰初二刻八分。欽天監奏。其時風從東南  
巽方來。主年歲大熟等語。朕批覽本章時。甫交辰正。  
該衙門豈於片刻之間。繕本用印。其為豫擬不實可  
知。朕崇尚實政。屏黜虛詞。司天占驗。原以察天文而  
驗人事。如果應時協吉。仰荷

昊天慈固。深欽感儻。或風候偶愆。亦可藉資修省。若僅虛  
應故事。視為具文。殊覺無謂。嗣後欽天監於觀候本

章務須詳細查驗。據實陳奏。自本年夏至起。每屆節令。均於第三日具題。以備省覽。○又

諭。欽天監觀候本章。前已有旨。改於節令三日後具題。以昭覈實。此次夏至占風之本。仍循向例。該監呈遞後。又送內閣進呈。殊覺重複無謂。嗣後著即送內閣。與各衙門應進本章。一同呈遞。其該監先行呈遞一次之例。著停止。○又奏准琉球國北極出地二十六度二分。偏東十一度三十分。○二十三年

諭。欽天監衙門職司占驗。於星象風信。休徵咎徵。皆應據實入告。近日該衙門節候占風。多擇取吉祥語句。

聊以塞責。昨初八日風霾之異。朕心震懼。遲至三日。該衙門並未推占具奏。所司何事。此等異變。竟不具奏。豈專事諂媚以取悅於上乎。真所謂尸厥官罔聞知。昏迷於天象矣。著即詳考古占經烈風之變。見於四月者。主何徵應。全錄原文。據實奏聞。毋有所隱。○道

光元年

諭。欽天監奏本年四月初一日。日月合璧。五星聯珠。朕惟懸象著明。肇先七政。史冊所載。高陽氏時。五星聚於營室。漢代聚於東井。宋世聚於奎。皆紀為難逢之瑞。第日月五星。麗天而行。本有常度。即同明共貫。亦

止會逢其適。可以推測而知。我朝

列聖相承。雍正乾隆嘉慶年間。天章屢耀。仰承

昊佑。

景運隆長。茲朕初元。復邁嘉會。敬惟事

天之道。遇倣則當思修省。徵祥惟益勵寅恭。朕嗣統以  
來。兢兢業業。猶恐弗及。何敢侈言符瑞。稍啟侈心。古  
云。國家以賢才為寶。豐年為瑞。惟當夙夜孜孜。與內  
外臣工。共圖上理。期於政通人和。薄海羣生。咸登康  
阜。以丕揚我

列祖無疆之庥。仰副我

皇考付託之重。斯願克遂。其為休應。孰有大於是者乎。此事不必宣付史館。用示朕崇實黜浮至意。○七年奏准。學習算術。必藉成書。講求推步。使其領會貫通。今刷印數理精蘊考成前後編各十五部。以為滿漢天文生學習之用。至算學肄業生二十四名。額外分教三名。亦每名頒給算書一分。以資學習。於報滿時一律繳還。○十八年奏准。按實測之度。以道光十四年甲午為元。○二十二年。修輯恆星黃赤道經緯度表告成。○二十五年。黃道經緯度表十二卷。赤道經緯度表十



二卷。月五星相距表一卷。天漢界度表四卷。經  
星彙考一卷。星圖步天歌一卷。恆星總記一卷。  
纂修告成。奉

旨。命名儀象考成續編。○咸豐十一年

諭。欽天監奏八月初一日。日月合璧。五星聯珠。並繪圖  
呈覽。本年五月。欽天監奏彗星見於西北。仰維

天象示儆。方滋兢惕。茲復據奏日月合璧。五星聯珠。自  
非虛詞附會。惟念朕御極之初。即以侈言符瑞為戒。  
矧值東南賊匪未克殄除。賤念民生。惟增矜憫。即使  
星文表瑞。實為世運亨嘉之兆。亦惟有夕惕朝乾。其

邀

上蒼眷佑。如逆匪即就蕩平。黎民復業。年穀順成。休應孰過於斯。著不必宣付史館。用昭以實不以文之意。

